

Galicia Encantada



ANIVERSARIO
2005 * 2025
Enciclopedia de Fantasía Popular de Galicia

Medicina

CATEGORÍAS RELACIONADAS

O Santuario milagreiro da Nosa Señora de Rendal (Arzúa).

O Santuario e parroquia de Rendal é de moita sona nesta Galicia central, xa que a imaxe da Virxe é avogosa dos males e dores dos dentes, moas, do oído, e doutras castes de doenzas varias. Por esa faceta sandadora goza dunha especial devoción entre os veciños da contorna, que acoden fielmente á festividade que se celebra o día 5 de outubro.

Entre os fregueses, romeiros e ofrecidos existe a crenza de que mitigarán, e mesmo veranse curados das dores das moas, tocando as campás tirando da corda cos dentes. Para as dores de oído o santo remedio consiste en untar os dedos en aceite e pasalos polos oídos. Tamén o día da festa pasan os devotos por baixo do altar da Nosa Señora, para curarse de diversas patoloxías ou para cumprir promesas ofrecidas.

Este santuario e as súas virtudes milagreiras mesmo chamaron a atención dos membros do Seminario de Estudos Galegos, posto que a el se refiren no Terra de Melide (1933), no capítulo *Folklore de Melide*, da autoría de Vicente Risco e Amador Rodríguez. Recollemos literalmente o parágrafo no que a este se refiren: “*A Virxe do Rendal, na Arzúa, abogosa das doores de moas e mal de dentes. Ofércenselle pitos, que se venden despóis á puxa, e os doentes das moas, van tocar a campana da eirexa trabando a corda ou cadea cos dentes*”.

[Texto remitido por Xurxo Broz e Cristina Vázquez, de Melide (A Coruña). Xullo de 2015]

BIBLIOGRAFÍA

- □Terra de Melide□ .Seminario de Estudos Galegos, 1933. Capítulo titulado □Folklore de Melide□.

- □Guía de Arzúa□ da autoría de Xosé L. Laredo Verdejo, publicada polo Concello de Arzúa o ano 1999.

- □La religiosidad popular en Galicia. El Municipio de Arzúa□ da autoría de Eduardo Aurelio Cacheda Vigide, publicado no ano 1991.

COMENTARIOS ENVIADOS

Hola esta un pouco corto, pois levo indo fai moitos anos e pedinlle pola saludé en varias ocasión e por ela ou coincidencias da vida estou ben.

Enviado por Manuel Quintela o 27/08/2019 ás 20:51:57